

Name: Tura, Karylle, M.

Bracket: Senior

Medium: Filipino

## Title: Kalasag sa Pagkakaisa

Content/body:

“Ang boto ng bayan ang magsisilbing salamin tungo sa makabagong kinabukasan.”

Ngayong paparating na ang halalan, nagbabaga na naman ang kaliwa’t kanang usap-usapan ukol sa mga tatakbo para sa halalan 2022. Lingid na sa mga Pilipino ang pagiging mapili at mausisa sa pagpili ng kandidato bagama’t ito’y may malaking epekto sa pagpapatakbo ng Pilipinas.

Nang magsimula ang paghain ng certificates of candidacy lumabas na iilan sa mga tatakbo sa pagiging Presidente ay sina kasalukuyang Bise-presidente Leni Robredo, ang Senator na si Manny Pacquiao, Mayor ng Maynila na si Isko Moreno, ang Senador na si Panfilo Lacson at ang sentro ng usapan ngayon na si Senador Bongbong Marcos. Mainit ring inaabangan ng karamihan ang pinale na desisyon ng kasalukuyang Mayor sa Davao na si Sarah Duterte matapos binawi ang kandidasiya doon sa kaniyang bayan at alingawngaw na ito’y magiging isa rin sa magpapainit sa pakikipag-agaw sa gintong upuan sa palasyo.

Labis na ginising ng eleksiyon ang natutulog na diwa ng mga mamamayan ng biglaag inanunsiyo ng COMELEC ang petisyon para sa pagkansila ng COC ni Senador Bongbong Marcos. Hindi raw siya maaaring maging kuwalipikado sapagkat dati na siyang nahatulan ng krimen sa hindi pagbabayad ng buwis sa Regional Trial Court, Quezon City noong July 27, 1995.

Pinabulaan ni Comelec Spokeperson James Jimenez ang naturang paksa, aniya, “Under the law, a person must be convicted of a crime involving ‘moral turpitude,’ or for an offense

where the penalty is at least 18 months in jail to be disqualified. He doesn't meet this criteria. Right now there is no clear case for disqualification.” Ang mga salitang ito ang nagsisilbing lakas ng mga pumapanig at sumusporta sa kaniya. Ito ang tanging kinakapitan ng pag-asa upang magpatuloy ang kaniyang pagtakbo.

Samantala, ang naturang isyu ang kasalukuyan pa ring priposeso, maiging sinusuri upang mapagdsesiyonan ito bago ang araw ng botohan.

Sa ganang akin, nakadepende pa rin ang resulta ng pagsusuri ng Comelec kung maaari ba niyang iatras ang halalang ito. Ngunit batay sa aking obserbasyon, hindi dapat nakakatakbo ang mga may kaso na dahil nagpapatunay lamang ito na hindi mapagkakatiwalaan para sa mga malalaking responsibilad. Dagdag pa nito ang madilim na kasaysayan noong paglingkod ng kaniyang amang si Ferdinand Marcos na labis ang sugat, hinaing, at mga suliraning hinarap ng mga taong nakaabot sa kaniyang pamumuno. Bakas pa rin sa mga tao ang takot at pangamba na maaring mangyari ulit kung sakaling manalo si Bongbong Marcos. Hindi rin maikakaila ang kaliwa't kanang kaso ng kaniyang pamilya tungkol sa ari-ariang ninakaw umano.

Gayunpaman, hindi naman natin maitatangi na may pag-asang mabago ang isang tao. Sa ngayon masasabi nating ang eleksiyong ito ang isa sa pinakamahirap na halalang mahaharap natin. Ika nga, pangil sa pangil ang labanan ngayon at walang tigil na pagkuha ng loob sa mga Pilipino.

Laging tandaan na sa sarili nating mga kamay ang pagbabago ng bansa. Kaya't sa election 2022 hinihikayat ko ng paulit-ulit ang mga Pilipino na bomoto ng tapat at dapat suriing mabuti ang bawat isa sa kanila upang hindi tayo magmukhang basang sisiw na kumakapa sa dilim sa hinaharap. Ang tanging layunin lang naman ng lahat ay ang mapabuti ang pamamahala nila sa ating bansa. Tayong lahat ang kalasag tungo sa makabagong buhay.

#